

Parlamentario Shailiny Tromp-Lee (MEP):

‘Mi kier a comparti cu boso un proyecto cu poco poco ta birando realidad’



Vista. E reunion tabata pa presenta mi idea na nan, y pa haya e aprobacion necesario. Un reunion hopi interesante y caminda a trata mas reto cu tin pa cu mantencion di Kapel di Alto Vista.

Mirando cu Pastor a aproba e idea, mesora a cuminsa concretisa e idea conhuntamente cu ministerio di salubridad publico y turismo, percurando pa cumpli cu e palabracionnan haci durante reunion di dia 5 di november.

Dia 23 di november ultimo a tuma luga un reunion entre coordinadornan Wolff y Rijdsdijk di minister, Jose Figaroa y Robert Jeandor y mi persona, pa por a concretisa e diseño, material etc. Manera aña habri, e trabounan ta bay cuminsa pa realisa e parti di pilar y borchinan. Siguiendo parti ta pa percura pa cuminsa entama e proceso pa bin cu un maneho nacional pa nos Kapel di Alto Vista.

ATA recientemente a realisa un ‘carrying capacity study’ caminda Alto Vista tambe a haya atencion. Pa e motibo aki, mi a acerca directora di ATA encunto Kapel di Alto Vista, y caminda mi a accentua e echo cu mester cuminsa traha ariba un maneho nacional pa loke ta trata nos Kapel di Alto Vista. Dia 4 di december ultimo, e directora di ATA a comparti cu mi algun idea cu nan a traha como reaccion ariba e resultado di e ‘carrying capacity study’ cu nan a realisa.

Durante 2019 mi lo sigui traha ariba demas puntanan di atencion. Uno di hopi urgencia ta e molestia di stof. Pa e punto aki mi ta bay acerca minister di infraestructura na cuminsamento di e aña aki.

Mi ta contento cu poco poco mi ta logra cristalisa e deseo di nos tur, pa percura pa nos Kapel di Alto Vista keda cuida y maneha debidamente. Mas cu tur cos mi kier enfatisa e necesidad pa garantisca cu Kapel ta keda un luga caminda nos por bay resa den tur tranquilidad na Mama Maria y Niño Hesus y busca paz interno.

Mi ta gradici minister Dangui Oduber y su ministerio, Pastor Santiago, Figaroa y Jeandor pa e sosten y entusiasmo demostra.

ORANJESTAD - Pa hopi tempo, mi deseo ta pa nos drecha y mantene Alto Vista y e area rond di dje. Alabes, mi ta haya necesario pa bin cu un maneho nacional pa por garantisca cu e ta keda un sitio di tranquilidad, paz y unda cu localnan ta bay pa resa y busca paz interno.

Na mes momento mi ta realisa cu e ta un sitio hopi bishita pa nos turistanan, cual ta haci necesario pa crea e balans y percura pa e respet pa nos Kapel di Alto Vista.

Pa e motibo aki mes, mi a acerca minister Dangui Oduber dia 22 di juni 2018, pa present’e mi idea encunto nos Kapel di Alto Vista. Oduber a hay’e un tremendo idea, y a keda di bay wak si tin fondonan disponibel pa cuminsa concretisa esaki.

Dia 29 di october ultimo, mi a reuni cu Oduber, caminda el a indica cu lo por cuminsa realisa e idea parcialmente, y cu lo por cuminsa drecha e borchinan di oracion cu ta poni na e stashinan.

Dia 2 di november ultimo, mi a percura pa manda e potretnan necesario di e situacion, esta cuanto borchin tin y nan localidad.

Mirando cu Alto Vista ta cay bou Parokia di Noord, y cu a keda indica door di Oduber cu tin e fondonan necesario pa pone pilar y borchinan di oracion nobo, hunto cu mi kerida mama, mi a reuni

dia 5 di november ultimo cu Pastor Santiago y Jose Figaroa, kende ta esun encarga cu Kapel di Alto

